



Արա Յարությունյանի արվեստը առաջին հերթին օրգանական, անխաթար միասնականություն է իրենից ներկայացնում: Նա պատկանում է այն վարպետների թվին, ով որոշում է գեղարվեստական որոնումների ուղղությունը:¹
Վլադիմիր Ցելսներ

ՍԱՅՄԱՆԵԼՈՎ ՄՈՆՈԻՄԵՆՏԱԸ

Արմեն Եսայանց

Արվեստագիտության թեկնածու
Ցուցադրությունների գծով տնօրեն
Գաֆեւճեան արվեստի կենտրոն

Արա Յարությունյանը (1928-1999) խորհրդային ժամանակաշրջանի հայ ամենաականավոր մոնումենտալ քանդակագործներից էր: Նրա կրթողային ստեղծագործություններն սփռված են հետխորհրդային բազմաթիվ հանրապետություններում, ինչպես նաև այդ սահմաններից դուրս: Արա Յարությունյանի գեղարվեստական ժառանգությունը բազմաշերտ է. մոնումենտալ և մոնումենտալ-դեկորատիվ ստեղծագործություններ, դիմաքանդակներ, շիրմաքարեր, բազմաթիվ գծանկարներ և գրաֆիկական աշխատանքներ: Նա է հանդիսանում Երևանի բարձունքում խոյացող «Մայր Յայաստան»-ի հեղինակը, որն այսօր դարձել է Յայաստանի ամենազվիխավոր խորհրդանշաններից մեկը (1967, էջ 85):

Արա Յարությունյանն իսկական մոնումենտալիստ է այս բառի ամենալայն իմաստով: Մոնումենտալ արվեստը ենթադրում է այնպիսի ստեղծագործություն, որը մեծածավալ լինելով հանդերձ, որոշակի կապի մեջ է գտնվում ճարտարապետության կամ բնական լանդշաֆտի հետ՝ կոմպոզիցիոն միասնականություն ստանալով և կազմելով մի ամբողջականություն: Սակայն «մոնումենտալ»-ը նշանակության տարբեր շերտեր ունի՝ փիլիսոփայական, գեղագիտական, մշակութային, լեզվաբանական: Այս համատեքստում հարկ է նշել, որ երբեմն մեծածավալ ստեղծագործությունները մոնումենտալ չեն իրենց կառուցվածքով, ոգով կամ հնչեղությամբ, և միևնույն ժամանակ փոքր ծավալի ստեղծագործությունը, չհանդիսանալով մոնումենտալ արվեստի նմուշ, կարող է որոշակի կրթողայնություն կրել իր մեջ:

Գաֆեւճեան արվեստի կենտրոնի «Արա Յարությունյան. Մոնումենտալ երևակայում» ցուցադրությունը, նվիրված լինելով արվեստագետի ծննդյան 90-ամյակին, այդուհանդերձ հետահայաց լինելու միտում չունի: Աշխատանքներ են ներկայացված տարբեր շրջափուլերից՝ բացահայտելով վարպետի հարուստ գեղարվեստական լեզուն և կենտրոնական դերը հայկական քանդակագործության էջերում, սակայն գլխավոր խնդիրը, որ դրված է մեր առջև արվեստի «մոնումենտալ» լինելու բանալին գտնելու մեջ է:

Ըստ Արա Յարությունյանի, իր ապագա ճանապարհը կանխորոշված էր դեռ մանկուց: Երեք տարեկան հասակից նկարել է շրջապատող գրեթե ամեն ինչ, իսկ հինգ-վեց տարեկան հասակում Նորազավիթ գյուղում՝ բարեկամի բակում, մի հետաքրքիր քար է գտել. «Չարմանալիորեն ձգեց ինձ այդ քարը: Շատ չարչարվեցի ու այդ քարից ստեղծեցի Անահիտ աստվածուհու դիմաքանդակը՝ մեր հարևանի աղջկա՝ Անահիտի նմանությամբ: Երևի այդ օրվանից քանդակագործ դառնալու դեռևս տարտամ երազանքն առաջացավ հոգում»²: Դետաքրքրական է, որ Անահիտի կերպարը հետագայում ևս գրավել է վարպետին, ինչի վառ վկայությունը ցուցադրությանը ներկայացված «Անահիտ» պղնձածույլ աշխատանքն է (1974, էջ 39), որի տուֆակերտ օրինակը է գտնվում է Քիչևնում:

1950-ական թվականները արվեստագետի կայացման և լայն ճանաչման տարիներն էին, երբ նրա դիպլոմային աշխատանքը՝ Կոմիտասի մահարձանը, կանգնեցվեց Կոմիտասի անվան զբո-

1 Վլադիմիր Ցելսներ, «Արա Յարությունյանի արվեստի աշխարհը», «Իսկուստովո» ամսագիր, N12, 1983 (ռուսերեն)
2 Ղարիբ Յայրապետյան, «Արվեստի ճշմարտությունը հավերժական է», «Երեկոյան Երևան» թերթ, N163, 1977







Մայր Հայաստան (Էսքիզ) | 1960
Mother Armenia (sketch)



Վաղ գարուն | 1980
Early Spring





Գ. Սունդուկյանի անվան
ազգային ակադեմիական թատրոն | 1966
National Academic Theater of Armenia
after G. Sundukyan

